

Pilemon

Pauloŋe Pilemonŋ makmâ manŋanlep.

¹Galane, Pilemonŋ, nâmâ Paulo den ire yu kulengoân. Nâ Yesu Kristogât âi mendere bikŋande den aregât hâkâŋ akmâ kala busiân katnegi. Nâ akto Timoteo netŋe nânŋâ giŋmaet. Gâŋe âigât tân netkumat aregât hin makŋiŋdetŋe nânŋâ. ²Gâŋe âmbâle kotŋe Apia Yesugât kâmolân gâtŋe akto luâk kotŋe Akipo tembe loko dop hainare gala netŋe yâk akto niŋema gâŋgât emelan Mitigât mendugumai are yengât netŋe okot âlep nânŋâmaet aregât makyenŋiwen. ³Ewenenŋe Anutu akto Humonenŋe Yesu Kristo yâkŋe damunyeŋe akmâ okot âlep akbela biwiyeŋe sândukŋe akmâ âlepŋe akbiâp.

Pauloŋe Pilemonŋgât akmâ Anutu ulilaŋep.

⁴Galane nâ Anutuŋe gâ tân guguâk dâm nânŋâm âmâ ain dowâk Anutu mepaiŋe mem ulilaŋman. ⁵Pilemonŋ gâŋe Humo Yesu hangande nânŋanŋmâ kotgâm manmat akto Yesugât kâmotlupŋe yâk yengât okot nânŋâ yengimat aregât pat nânŋâm Anutu âlepŋerâm mepaimŋe mem maganŋman. ⁶Nâŋe âmâ gâŋe luâk âmbâle Yesu nânŋanŋmatgât keiŋe makyenŋimenâ nânŋâwaigât Anutu ulilaŋdân. Hain akmâ Kristoŋe wan me wan âlepŋe aknengiep are nânŋâm metewengât Anutu ulilaŋdân. ⁷Akto areâk bo. Gâŋe Yesugât kâmotlupŋe tânyenŋumenâ biwiyeŋande okot âlep dondâ nânŋâi aregât pat nânŋân akto okot nânŋâ niŋmatgât nânŋân aregât nânŋâm heroŋe aktere biwine sândugeâp.

Pilemonŋe Onesimo hoŋ bawa luâk are mem manŋanlepŋgât den.

⁸Galane, nâ Kristogât akmâ gâ hin me hain akben dâm makmâ hâwâtgekteŋe ârândânŋ akmap. ⁹Gârâmâ nâ hin me hain akbomgât hin makŋiŋbe. Nâ emelâk sâmbâ akmâ Yesu Kristogât âigât akmâ kala busi kâlegen katnekiâ mandân aregât akto han kalem aŋanŋimaetgât yân makmâ ewum hin den yeukŋân ulitŋiŋbe. ¹⁰Ulikŋân gâŋgât hoŋ bawa luâk yânŋe kotŋe Onesimo are nânŋgât? Yâkŋe bâleŋe akŋiŋmâ âigât hâkâŋ akmâ hepun gekmâ yân yoŋâk ariep. Yâkŋe manmâ gambo nâ

kala busiân malân ain Yesugât keiŋe maganċdere biwiŋe Yesugâlân kalep. Aregât nânċgât nanne hainare agep. Yâkċgât makċiŋdere nânċgâ. ¹¹Yâkċe hânċgeiŋe âi meŋċiŋdo bâliiep. Dâ hinŋe âmâ tân nugumap. Akto ċgâ tân guguwiapċgât dâp miawaktâp. ¹²Aregât nânċe yâk biwine koaŋe ina hanâk huŋgun aŋdere ċânċċâlân togowiap. Akto yâkċe ċânċċâlân togowiap are âmâ nânċgât ukenâet bo. Ġârâmâ hanâk huŋgun aŋdere togombo maŋganben. ¹³Yâkċe okot nânċgâ niŋmâ tân nugumap, areċgât yâk arimbo âmâ ċain ċain akbian? Kambiamne bâlimbo âmâ okot nânċgâ aŋbian. Akto nâ pat âlepŋaet akmâ kala busi emetŋân tatmâ âmâ ċânċċgât dumċân hoŋ akniŋâċċgât ċanċerâwerâm nânċċân.

¹⁴Hain akmâ âmâ ċa bo nânċċâmenân hâwâtċektere nânċċgât nânċċâmenâ bâliwopċgât Onesimo bo ċanċerân. Amâ biwiċânâk nânċgâ niŋmâ tân nuguwen areċgât yu huŋgun aŋdere ċânċċâlân togowiap. ¹⁵Galane hoŋ bawa Onesimo yâk hepun ċekto olop bo maliat amâ keiŋe hingât me ċain? Purik katmâ togombo ċa olop sop kâlep manmâ âċâwiandatċgât mon? ¹⁶Dâ ċânċċâlân purik katbiap âmâ hoŋ bawa konok bo akċiŋmâ manbiap. Onesimo âmâ Humoċâlân ċâtŋe areċgât ċala aċanċben. Nâ hainâk Humoċât akmâ ċala akniŋepċgât nânċċare humo aktâp. Aregât ċânċe Humoċât akmâ akto hoŋ bawa akċiŋepċgât maŋganmâ nânċanċmenâ humo akbiâp.

¹⁷Ġâ nânċċgât nânċċâmenâ ċalage aktân areċgât hin makċiŋbe. Dâ dâp tat ċiŋdo dâine togo maŋgan nekbât. Aregât yâk ċânċċâlân togombo âmâ, “Imâ Paulo hinare.” dâm maŋganben. ¹⁸Akto hoŋ bawa âi mem hilip koċiŋep me wan me wan siâ waŋmenâ areċgât hâuŋe purikċe bo ċiŋep areċgât makniŋmenâ hâuŋe âmâ nânċe ċiŋbian. ¹⁹Aregât lâuwâŋe makċiŋdere nânċgâ. Nâ Paulo. Nâ ċâwu mem yu kulemoċân. Nânċe hâuŋe kutigit ċiŋbian. Akto wan me wan siâ areċgât nânċċâmenâ bo hâumgowiâp. Nânċe ulikŋân den pat âlepŋe makċiŋdere Yesugât kâmolân dewatien areċgât ċânċċgât nânċgâ nânċċâċe akto biwi kat katċgât amâ nânċċâlânba miawak ċiŋep, areċgât maŋganbiatċgât. ²⁰Nâ Kristoċgât akmâ yu makċiŋbe. Dosage tatċiŋdâp areċgât akto Humoċât akmâ nânċgâ niŋmâ laune lokomenâ biwine heroŋe akto manbian. ²¹Akto ċa laune lokomat are bunċerâm nânċċâm den ire kulemgogiŋdân. Akmâ nânċċâm makċiŋdân are konok bo akmâ biwigaet siânba dewatiwiat. ²²Akto Yesugât kâmot ċânċċgât emelan mendugumai arekċe Anutu ulilanċbiâ nânċċâm âmâ nâ kala busi emetŋe kâlegenba nâ mem purik katneko ċânċċâlân togowian. Aregât ċa nânċċgât emet kom hâre hâreŋe siâ heŋċemgoniŋben.

Den bâiŋe.

²³Akto Epara Yesu Kristoċgât âi mendo kala busi kâlegen katbiâ tatâp yâkċe nânċgâ ċiŋdâp. ²⁴Hain akto ċalalupne tân nugumai kotyŋe Mareko, Aristako, Dema akto Luka, yâkċe hainâk nânċgâ ċiŋdâi. ²⁵Humo Yesu Kristoŋe damunge akmâ okot âlep akċiŋdo biwige sândugeâċċgât ulilanċdân.